



JABATAN WILAYAH PERSEKUTUAN

Blok 2, Menara Seri Wilayah, Presint 2, 62100 Putrajaya

Tel: 03-8000 8000 Faks: 03-8889 7957

Laman web: www.jwp.gov.my

KENYATAAN MEDIA

5 HINGGA 20 PERATUS PENJIMATAN MELALUI PEMBELIAN BARANGAN KEPERLUAN HARIAN DI MYGROCER@WILAYAH

LABUAN, 11 OGOS 2024 – YB Dr. Zaliha binti Mustafa, Menteri di Jabatan Perdana Menteri (Wilayah Persekutuan), hari ini menyempurnakan Majlis Pelancaran MyGrocer@Wilayah yang merupakan satu inisiatif kesejahteraan komuniti Wilayah Persekutuan Labuan. MyGrocer@Wilayah ini adalah salah satu daripada inisiatif berterusan kerajaan untuk memastikan barangan keperluan harian dapat dibeli dengan harga yang lebih rendah, tanpa mengabaikan kualiti dalam mengurangkan kos sara hidup rakyat. Inisiatif ini mencerminkan komitmen kerajaan dalam menangani isu kos sara hidup yang semakin tinggi khususnya di Pulau Labuan ini.

Melalui MyGrocer@Wilayah yang selari dengan inisiatif Ihsan@ PUJI (Program Usaha Jaya Insan), para pembeli boleh mendapat penjimatan di antara 5 hingga 20 peratus daripada harga pasar awam. Melalui portal pembelian atas talian MyGrocer *online* rakyat boleh membeli barangan harian dengan lebih cepat dan mudah. Barangan yang ditempah melalui *portal online* ini akan dihantar oleh “*wakeel*” MyGrocer terus ke depan pintu rumah. Promosi istimewa slot *happy hour* MyGrocer@Wilayah membolehkan komuniti WP Labuan membeli ayam dan telur ayam pada harga istimewa. Majlis Agama Islam Wilayah Persekutuan (MAIWP) turut bekerjasama dengan Jabatan Wilayah Persekutuan yang membolehkan 5,529 asnaf WP Labuan berdaftar mendapatkan barangan keperluan asas dari MyGrocer@Wilayah melalui aplikasi *boost* MAIWP.

Tamu Budaya pada hari ini menghimpunkan 26 usahawan WP Labuan yang menjual pelbagai jenis produk termasuk barangan kraftangan dan artisan. Program yang melibatkan persembahan kebudayaan ini mencerminkan kekayaan dan kepelbagaian budaya masyarakat di Pulau Labuan. Perbadanan Labuan akan menaik taraf kemudahan infrastruktur di sini bagi membolehkan penganjuran Tamu Budaya ini menjadi aktiviti tetap di Kampung Bukit Kallam. Program ini juga dapat merencanakan sektor pelancongan domestik serta menjadi platform untuk para usahawan kecil memperkenalkan produk mereka kepada orang ramai. Tamu Budaya ini juga boleh menjadi salah satu lokasi *community tourism* WP Labuan. Diharapkan WP Labuan akan meningkat maju demi kesejahteraan warganya.

**Disediakan oleh:
Bahagian Komunikasi Korporat
Jabatan Wilayah Persekutuan
11 Ogos 2024**